

## CERTIFICACIÓN

**Rosa Ana Prada Queipo, secretaria xeral do Concello de Ames (A Coruña)**

**Certifico:** Que a Xunta de Goberno Local, en sesión ordinaria celebrada o día 02 de maio de 2024, adoptou, entre outros, o acordo que copiado é do teor literal seguinte:

**PUNTO CUARTO. APROBACIÓN DA CONVOCATORIA E DAS BASES DE SUBVENCIÓNS EN ESPECIES PARA AS FESTAS POPULARES CELEBRADAS NO 2024 POR ASOCIACIÓNS E COMISIÓNS DE FESTAS DO CONCELLO DE AMES. EXPEDIENTE GD 6147/2024**

*Dentro do Plan Estratéxico de Subvencións para o período 2023-2025 (tras a terceira modificación aprobada polo Pleno do Concello o 25.04.2024) están previstas dentro das subvencións en materia de Cultura estas axudas en especie cun importe de 24.000 euros para as anualidades 2024-2025.*

*Figura no expediente proposta da Concellaría de inicio de expediente*

*Figura Providencia de inicio da Alcaldía de inicio do expediente.*

*Figura Informe de Secretaría sobre o procedemento e lexislación aplicable.*

*Figura informe de fiscalización favorable da Intervención municipal (informe 206/2024 do 29.04.2024)*

*Por todo o exposto, a Xunta de Goberno Local, previa delegación do Alcalde (decreto 1983/2023 BOP nº 120 do 26.06.2023) por unanimidade dos seus membros presentes, adopta os seguintes acordos:*

**Primeiro. Aprobar a convocatoria** de subvencións en especie para asociacións e comisións de festas do Concello de Ames para o exercicio 2024.

**Segundo. Aprobar as bases** reguladoras da convocatoria, que figuran como Anexo deste acordo.

**Terceiro. Aprobar o gasto** por importe de 24.000 euros con cargo á aplicación orzamentaria 338.22609 do orzamento municipal vixente.

**Cuarto. Publicar o presente acordo** seguindo o procedemento establecido no artigo 20.8 da LXS, a través do envío do estrato da convocatoria á Base Nacional de Subvencións quen o remitirá ao BOP.

*As bases publicaranse integramente na páxina web do Concello de Ames. O prazo para presentar as solicitudes será:*

**1º prazo.** Para as festas e eventos que se celebren nos meses de xaneiro ata agosto, deberán facer a solicitude por rexistro ata o 15 de maio

**2º prazo para as festas que se celebren nos meses de setembro a decembro, deberán facer a solicitude por rexistro antes do 31 de xullo.**

Os prazos empezarán a contar dende o día seguinte da publicación do estrato da convocatoria no BOP.

**Quinto.** Dar traslado deste acordo aos departamentos municipais afectados aos efectos oportunos.

**Sexto.** Facultar ao alcalde do Concello de Ames, para cantas actuacións sexan precisas para a mellor execución do acordado.

#### ANEXO

#### CONVOCATORIA DE AXUDAS EN ESPECIE PARA ASOCIACIÓNS E COMISSIONS DE FESTAS DO CONCELLO DE AMES 2024

<b>Concellaría</b>	Cultura
<b>Anualidade</b>	2024
<b>Denominación</b>	Axudas en especie para asociacións e comisións de festas do concello de Ames no exercicio 2024
<b>Beneficiarios</b>	Asociacións culturais ou veciñais e comisións de festas que realicen actividades orientadas á dinamización sociocultural existentes no Concello de Ames .
<b>Aplicación orzamentaria</b>	3341-22609
<b>Importe da convocatoria</b>	24.000,00 €

#### BASE 1.- OBXECTO DA CONVOCATORIA

Un dos obxectivos da concellaría de cultura, é o de fomentar a celebración das Festas e colaborar na súa organización, facendo mais doada a labor que está a desenvolver o tecido asociativo e as comisións de festas. Unha liña de colaboración é a concesión de actuacións de grupos de música e baile tradicional e agrupacións corais.

Esta convocatoria ten por obxecto establecer os criterios e procedementos para que as asociacións inscritas no rexistro de asociacións do Concello de Ames ou comisións de festas de Ames que organizan festexos ou actividades orientadas á dinamización sociocultural municipal, poidan solicitar axudas en especie consistentes en actuacións das agrupacións de música tradicional ou corais do concello de Ames durante o 2024 que estean inscritas no Programa de agrupacións de música tradicional ou Corais do Concello de Ames.

#### BASE 2.- RÉXIME XURÍDICO

En todo o non previsto na presente convocatoria estarase ao disposto as seguintes normas:

- Lei 38/2003, de 17 de novembro, Xeneral de Subvencións.
- Real Decreto 887/2006, de 21 de xullo, polo que se aproba o Regulamento da Lei Xeral de Subvencións.
- As Bases de Execución do Orzamento do concello de Ame.
- Lei 39/2015, de 1 de outubro, do Procedemento Administrativo Común das administracións Públicas. - E calquera outras disposicións que pola súa natureza resulten de aplicación.

#### 3.- BENEFICIARIOS

A presente convocatoria regula a concesión de subvencións en especie consistentes en actuacións musicais para a asociación culturais ou veciñais e comisións de festas que realicen actividades orientadas á dinamización sociocultural existentes no Concello de Ames .

Non poderán obter a condición de beneficiarios aquelas Entidades que incorran nas causas de prohibición previstas nos apartados 5 e 6 do artigo 4 da Lei Orgánica 1/2002, reguladora do dereito de Asociación.

Ademais dos requisitos establecidos no artigo 13 da Lei 38/2003, de 17 de novembro, Xeneral de Subvencións,

deberán cumprir os seguintes, que deberán manter até a aprobación da correspondente xustificación de gastos:

1. Ter personalidade xurídica e capacidade de obrar e acharse debidamente inscrita no rexistro de asociacións do concello, salvo nos casos das comisións de festas.
2. Estar ao corrente no pago das obrigacións tributarias e fiscais fronte ao Concello de Ames e a Axencia Estatal de Administración Tributaria, así como coa Seguridade Social, impostas pola normativa vixente.
3. Estar ao corrente no pago de obrigas por reintegro de subvencións concedidas polo Concello de Ames.

#### 4.- COMPATIBILIDADES

As subvencións que se outorguen serán compatibles con outras axudas, ingresos ou recursos que para a mesma finalidade poidan conceder outras Entidades públicas ou privadas.

En ningún caso o importe da axuda concedida poderá ser de tal contía que, illadamente ou en concorrencia con outras subvencións, axudas, ingresos ou outros recursos supere o custo total da actividade financiada.

#### 5.- DISPOÑIBILIDADE ORZAMENTARIA

O crédito reservado nesta convocatoria ascende á cantidade de 24.000€ da aplicación orzamentaria 3341-22609 coa seguinte desagregación:

En todo caso, a concesión das subvencións estará limitada á existencia de dispoñibilidade orzamentaria.

#### 6.- SOLICITUDE DE ESPECTÁCULOS

As asociacións culturais ou veciñais e comisións de festas que realicen actividades orientadas á dinamización sociocultural existentes no Concello de Ames realizarán unha solicitude pola sede electrónica, (ANEXO 1) na que farán constar o nome da agrupación que solicitan, festexo para o cal fai a solicitude, datas e lugares fixados para o desenvolvemento da actividade, tipoloxía da actuación (actuación nun escenario, animación dun evento, procesión, pasa rúas e actuación na rúa) e o tempo estimado da actuación que en ningún caso poderá superar as 2 horas e media salvo acordo entre as partes.

Co fin de optimizar os recursos e para garantir a estabilidade e viabilidade dos orzamentos, márcanse asignacións económicas máximas por parroquias. As asociacións culturais ou veciñais e comisións de festas que organizan os festexos dentro dunha mesma parroquia, terán que coordinarse entre si e realizar a súa solicitude de programación cumprindo os requisitos e as normas que se expoñen a seguir:

- a) Parroquias de menos de 500 hab.: Máximo 2 actuacións. Límite orzamentario 1.000€
- b) Parroquias de 500 - 3000 hab.: Máximo 5 actuacións. Límite orzamentario 3.000€
- c) Parroquias de máis de 3000 hab.: Máximo 8 actuacións. Límite orzamentario 4.000€
- d) Entidades organizadoras de eventos de interese sociocultural ao marxe dos festexos populares: 1 actuación. Límite orzamentario 500€

#### 7.-SUBSANACIÓN DE DEFECTOS

Se a solicitude non reunise os requisitos establecidos na presente convocatoria ou non se acompañase da documentación esixida na mesma, o órgano competente requirirá á entidade solicitante para que emende a falta ou acompañe os documentos preceptivos no prazo máximo e improrrogable de dez días hábiles a contar desde o seguinte ao de recibo da correspondente notificación, con apercibimento de que se non o fixese así se lle terá por desistida da súa petición, previa resolución (art. 68 da Lei 39/2015, de 1 de outubro e art. 23.5 da Lei Xeral de Subvencións).

#### 8.- CONVOCATORIA, INSTRUCIÓN, E NOTIFICACIÓN

A instrución do procedemento corresponderá ao servizo de cultura.

As axudas ás que se refire a presente convocatoria serán resoltas mediante o procedemento de concesión en réxime de avaliación individualizada, dada a natureza excepcional destas axudas que pretende fomentar a organización e desenvolvemento de actividades en calquera momento do ano.

Dado que os potenciais beneficiarios da axuda teñen especial dificultade para coñecer con antelación a data na que van poder desenvolver as actividades propostas, non existe posibilidade de efectuar unha valoración comparativa entre as solicitudes que se presenten no marco dun procedemento de concorrencia competitiva, non podendo establecerse outro elemento de prelación que a orde cronolóxica de entrada das solicitudes cos límites cuantitativos indicados no punto 7.

Aos efectos de coordinación na tramitación das concesións e ordenación das distintas solicitudes polo departamento abrimos **dous prazos para solicitar ditas actuacións.**

**1º prazo.** Para as festas e eventos que se celebren nos meses de xaneiro ata agosto, deberán facer a solicitude por

registro ata o 15 de maio.

**2º prazo.** Para as festas que se celebren nos meses de setembro a decembro, deberán facer a solicitude por registro antes do 31 de xullo.

O extracto da convocatoria serán publicadas no BOP.

Para as solicitudes presentadas fora destes prazos tramitarase a concesión da axuda sempre e cando exista dispoñibilidade orzamentaria.

O órgano competente para a resolución da presente Convocatoria de Subvencións é a Xunta de Goberno Local.

A concesión notificaráselle a todos os solicitantes no prazo de 15 días desde o remate dos prazos de presentación de solicitudes, salvo no caso dos festexos que teñan lugar antes de finalización dos prazos de solicitude que se tramitarán no prazo mais breve posible.

O prazo máximo para resolver e notificar a resolución do procedemento non poderá exceder de tres meses, que se computarán a partir do día seguinte as dúas datas límite de solicitude que constan nesta convocatoria.

Entenderase desestimada a solicitude, cando transcorrido devandito prazo (3 meses) non recaese resolución expresa, de conformidade co previsto no artigo 24 da Lei 39/2015, sen prexuízo da obrigación de resolver expresamente que impón o artigo 21 do mesmo texto legal.

A notificación efectuarase pola sede electrónica, nos termos establecidos no artigo 42 da lei 39/2015 do 1 de outubro, de procedemento administrativo común das administracións públicas.

A resolución de concesión pon fin á vía administrativa e contra o devandito acto poderá interperse recurso de reposición, así como cando transcorrese o prazo para resolver sen que recaese resolución expresa, no prazo dun mes se o acto fóra expreso e tres meses se se interpón contra o silencio administrativo desestimatorio, a partir do día seguinte ao da devandita notificación, de acordo co previsto nos artigos 123 e 124 da Lei 39/2015, ou ben interpor, directamente no prazo de dous meses, ou seis se non fóra expreso, contados a partir do día seguinte ao da notificación, recurso contencioso-administrativo, de acordo co previsto nos artigos 124.1 da lei mencionada e do artigo 46 da lei 29/1998, de 13 de xullo, reguladora da Xurisdición Contenciosa Administrativa. Tamén poderá utilizar, no entanto, outros recursos, se se estimase oportuno.

## 9.- MODIFICACIÓN, RENUNCIA E ANULACIÓN DA RESOLUCIÓN

Calquera cambio que se necesite realizar para o desenvolvemento das actividades para as que se solicita subvención, deberá ser solicitado por escrito ao órgano competente, cunha antelación mínima de 7 días hábiles con respecto á data prevista para a realización da actividade, debendo estar debidamente xustificado por causa razoable. Se a solicitude de modificación obedece a predición meteorolóxica adversa no día da actividade, esixírase unha antelación de 3 días hábiles e a presentación de parte meteorolóxica, acompañando a solicitude de modificación. Só se admitirá unha modificación por actividade.

A modificación, renuncia e anulación acordaranse polo mesmo órgano competente para conceder a subvención, previa instrución de expediente e informe proposta debidamente motivado do órgano instructor.

## 10- DESENVOLVEMENTO DA PROGRAMACIÓN

As asociacións culturais ou veciñais e comisións de festas organizadoras terán que velar polo correcto desenvolvemento das actuacións, así como do bo estado, limpeza e correcto acondicionamento dos espazos nos que terán lugar as actuacións.

Difundir adecuadamente as actuacións concedidas, indicando expresamente nos soportes de difusión (carteis, cuñas radiofónicas, páxina web, redes sociais...) o nome do grupo e asociación á que pertence e a colaboración do Concello de Ames, ou que a actuación foi financiada polo Concello de Ames. Todos os soportes de difusión e materiais publicitarios deberán realizarse en lingua galega.

## 11.- OBRIGAS DAS ENTIDADES BENEFICIARIAS

As Entidades beneficiarias das subvencións virán obrigadas ao cumprimento do establecido no artigo 14 da Lei 38/2003, de 17 de Novembro, Xeneral de Subvencións, quedando obrigadas, entre outras, a:

- Cumprir o obxectivo e realizar a actividade que fundamenta a concesión de subvención.
- Someterse ás actuacións de comprobación, a efectuar polo órgano concedente, así como calquera outras de comprobación e control financeiro que poidan realizarse, achegando canta información lle sexa requirida no exercicio das actuacións anteriores ao solicitante, ou no seu caso, calquera membro da Xunta Directiva da entidade deberá dar conformidade aos traballos ou subministracións realizadas pola empresa, asinando e selando o documento que a mesma lle presente.
- Facer constar expresamente e de forma visible en calquera dos medios e materiais que utilicen para a difusión das actividades subvencionadas, que as mesmas se realizan co financiamento do Concello de

Ames.

- Facilitar tanta documentación lle sexa requirida polo Concello aos efectos de seguimento e avaliación do proxecto.
- Proceder ao reintegro, previos os trámites pertinentes, se incorrese nalgúns dos supostos contemplados na Lei 38/2003, de 17 de novembro Xeral de Subvencións.
- A concesión estas axudas en especie non exime do cumprimento da normativa que sexa de aplicación á actividade en concreto de que se trate, así como a tramitación e obtención, no seu caso, das autorizacións e licenzas que procedan.
- Solicitar todo tipo de autorización ou licenza que corresponda para o desenvolvemento da actividade.

## 12.- PRAZO DE EXECUCIÓN

As actividades subvencionadas deberán realizarse necesariamente durante o ano 2024.

## 13.- PAGO

Por tratarse de axudas en especie, o pagamento realizarase directamente as agrupacións de música tradicional ou corais do concello de Ames que estean inscritas no Programa de agrupacións de música tradicional ou Corais do Concello de Ames e contén con un contrato tramitado ao efecto.

Desta forma os beneficiarios das axudas non percibirán cantidade económica. Isto implica que unha vez sexa concedida a axuda porase a disposición dos beneficiarios os servizos previamente autorizados, sendo o Concello quen efectuará directamente o pago á empresa adjudicataria contra a presentación da correspondente factura unha vez comprobada a efectiva prestación do servizo ás entidades beneficiarias para a finalidade que fundamentou a concesión da subvención.

## 14.- XUSTIFICACIÓN

A xustificación do cumprimento da actividade para a que se concedeu a subvención presentarase unha vez rematado o exercicio correspondente e en todo caso antes da convocatoria de axudas do ano seguinte polo servizo de cultura, indicando os grupos e datas das actuacións (ANEXO 2). A conta xustificativa elaborada polo servizo de cultura será aprobada pola Xunta de Goberno Local.

## 15.- INSPECCIÓN E CONTROL

O concello de Ames resérvase o dereito de comprobar a veracidade da documentación, para todos os efectos, así como a de ordenar as inspeccións e controis que estime necesarios para verificar a correcta aplicación da subvención concedida.

## 16.- REINTEGRO DA SUBVENCIÓN E RÉXIME SANCIONADOR

Procederá o reintegro da axuda concedida con esixencia do interese de demora referido ao momento do pago, nos supostos nos que a entidade incorra en calquera das causas sinaladas no art. 37.1 da Lei Xeral de Subvencións, entre as que se conteñen:

- Incumprimento dalgunha das condicións requiridas para a concesión da axuda.
- Incumprimento da finalidade para a que foi concedida a subvención. d. Negativa ou obstrución ás actuacións de control do Concello de Sevilla. e. Obtención da subvención falseando as condicións requiridas para iso ou ocultando aquelas que o impidiron.
- Incumprimento das medidas de difusión.
- Obtención de calquera outra subvención para sufragar o mesmo proxecto/actividade para as que solicita a axuda.

Para a valoración do reintegro destas as axudas en especie tomarase como referencia para o cálculo do importe a reintegrar a cantidade que figure na factura do servizo prestado ou da subministración correspondente sen prexuízo do interese de demora que corresponda.

A entidade que incorrese nalgunha causa que obrigase ao reintegro da axuda concedida quedará inhabilitada para poder acceder a novas convocatorias en tanto non regularice a súa situación.

O procedemento de reintegro rexerase polo disposto no art. 42 da Lei Xeral de Subvencións. Ademais do reintegro, a entidade será sancionada coa anulación da subvención, así como calquera outra subvención concedida no ano en curso e a imposibilidade de participar nas subvencións do ano seguinte. As entidades beneficiarias das subvencións

## BASE 17.- CONTROL POSTERIOR POLA INTERVENCIÓN MUNICIPAL

O control posterior das subvencións concedidas se axustará ao que cada ano se recolla no Plan Anual de Control Financeiro aprobado polo órgano interventor.

**DISPOSICIÓN ADICIONAL PRIMEIRA.- PUBLICACIÓN DAS SUBVENCIÓNS CONCEDIDAS E INCORPORACIÓN AO REXISTRO PUBLICO DE SUBVENCIÓNS**

Aos efectos da salvagarda do dereito dos participantes na presente convocatoria á protección dos seus datos de carácter persoal, nos termos previstos na Lei orgánica 3/2018, do 5 de decembro, de Protección de Datos Persoais e garantía dos dereitos dixitais, faise constar que os datos das subvencións concedidas quedarán incorporados ao rexistro público de subvencións, nos seguintes termos:

- En cumprimento do disposto no artigo 20.1 da Lei 38/2003, Xeral de Subvencións e demais normativa de desenvolvemento, os datos da subvención concedida e a identificación dos beneficiarios/as serán remitidas á Intervención Xeral do Estado, para que sexan incorporados á Base de datos Nacional de Subvencións, coa exclusiva finalidade prevista no devandito precepto.

Do mesmo xeito, e por aplicación do disposto no artigo 18 do RD 887/06, advírtese que o Concello de Ames publicará as subvencións concedidas, expresando na mesma o nome ou razón social do beneficiario/a, número de identificación fiscal, finalidade ou finalidades da subvención con expresión, no seu caso, dos distintos programas ou proxectos subvencionados e cantidade concedida.

**DISPOSICIÓN ADICIONAL SEGUNDA.- PROTECCIÓN DE DATOS**

O responsable do tratamento dos datos persoais que consten no expediente de convocatoria destas axudas é o Concello de Ames. Os datos serán tratados coa finalidade específica, da convocatoria de axudas para a promoción de actividades levadas a cabo polas asociacións culturais e veciñais do Concello de Ames no exercicio 2024, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal, pola Lei orgánica 3/2018, do 5 de decembro, de protección de datos persoais e garantía dos dereitos dixitais e demais disposicións de aplicación.

Conforme ao artigo 6 do Regulamento 2016/679, a lexitimación do tratamento está baseada nun deber legal e no interese público.

O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento.

Os datos solicitados unicamente serán obxecto de cesión, no seu caso, previo consentimento da persoa interesada ou de acordo con lo previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, #ante o órgano responsable do tratamento dos datos (Concello de Ames). Tamén poderán exercer os seus dereitos ante o/a delegado/a de Protección de Datos do Concello na dirección electrónica [dpd@concellodeames.gal](mailto:dpd@concellodeames.gal).

**DISPOSICIÓN FINAL**

No non previsto nesta convocatoria serán de aplicación as normas incluídas nas Bases de execución do orzamento xeral do Concello, na Lei 38/2003, xeneral de subvencións e no seu Regulamento e na Lei 9/2007 de subvencións de Galicia e no seu Regulamento.

<b>CONVOCATORIA DE AXUDAS EN ESPECIE PARA ASOCIACIÓNS E COMISIÓNS DE FESTAS DO CONCELLO DE AMES NO EXERCICIO 2024</b>
<b>ANEXO 1</b>
<b>SOLICITUDE DE AXUDAS EN ESPECIE PARA ASOCIACIÓNS E COMISIÓNS DE FESTAS DO CONCELLO DE AMES NO EXERCICIO 2024</b>

**DATOS DO PRESIDENTE/A DA ENTIDADE:**

Nome e apelidos da persoa que presenta a solicitude (Presidente/a da entidade)	
NIF	
Enderezo	
Municipio	

Teléfono	
Enderezo electrónico	

Actuando en representación de (**DATOS DA ENTIDADE SOLICITANTE**):

Nome da entidade	
CIF	
Enderezo	
Municipio	
Enderezo electrónico	

**DECLARO:**

➤ Que a entidade representada por min está ao corrente das súas obrigas tributarias e coa Seguridade Social, e non está incurso en ningunha outra causa que supoña ou poida supoñer obstáculo legal para o seu acceso á condición de beneficiaria dunha subvención ao abeiro da presente convocatoria, comprometéndose a manter esta situación ate a completa resolución do expediente.

➤ Que nin eu nin a entidade por min representada estamos incurso en ningunha circunstancia que impida o acceso á condición de beneficiario/a dunha subvención pública.

➤ Que non obstante o anterior, para a tramitación desta solicitude:

AUTORIZO ao Concello de Ames para comprobar a veracidade da anterior declaración tanto na Axencia Estatal da Administración Tributaria como na Tesourería Xeral da Seguridade Social.

NON AUTORIZO ao Concello de Ames para comprobar a veracidade da anterior declaración tanto na Axencia Estatal da Administración Tributaria como na Tesourería Xeral da Seguridade Social.

**No caso de opoñerse á comprobación deberá achegar a documentación necesaria para a xestión do trámite.**

➤ Que a entidade representada por min se somete ás actuacións de comprobación e á achega da documentación que o Concello de Ames poida acordar para comprobar que as actuacións ás que se dedica a subvención, no caso de ser concedida, se corresponden cos fins para os que se solicita.

**SOLICITO:**

Unha actuación de:

Agrupación de música tradicional (Grupo solicitado: \_\_\_\_\_ )

Coral (Coral solicitada: \_\_\_\_\_ )

Con motivo da celebración da festa: \_\_\_\_\_

Data da celebración da festa: \_\_\_\_\_

Horario: \_\_\_\_\_

Parroquia: \_\_\_\_\_

Lugar: \_\_\_\_\_

Breve descrición das actividades da festa:

Ames, \_\_\_\_\_ de \_\_\_\_\_ de 2024

O/A REPRESENTANTE DA ENTIDADE

**Información relativa ao tratamento de datos persoais:**

O responsable do tratamento dos datos de carácter persoal que poidan constar no expediente é o Concello de Ames. Os datos serán tratados coa finalidade específica das axudas en especie para asociacións e comisións de festas do Concello de Ames, que se contén nas bases polas que se aproba a correspondente convocatoria, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal, pola Lei orgánica 3/2018, de 5 de decembro, de protección de datos persoais e garantía dos dereitos dixitais e demais disposicións de aplicación.

Conforme ao artigo 6 do Regulamento 2016/679, a lexitimación do tratamento está baseada nunha obriga legal e no interese público. O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento. Os datos solicitados unicamente serán obxecto de cesión, no seu caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante o/a Delegado/a de Protección de Datos do Concello no enderezo electrónico [dgd@concellodeames.gal](mailto:dgd@concellodeames.gal).

DATA DE SINATURA: HASH DO CERTIFICADO:  
02/05/2024 94794F58078E16456C0177DD6EC026B3B160625F  
02/05/2024 2552C5906968C16B9FC6B4BE9697BB9BF010C732

POSTO DE TRABALLO:  
Secretaría  
Alcalde

NOME:  
PRADA QUEIPO, ROSA ANA  
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC215A409DF53F5ED4AAF

**CONVOCATORIA DE AXUDAS EN ESPECIE PARA ASOCIACIÓNS E COMISIÓNS DE FESTAS DO CONCELLO DE AMES NO EXERCICIO 2024**

**ANEXO 2**

**DECLARACIÓN RESPONSABLE DO/A PRESIDENTE/A DA ENTIDADE PARA OS EFECTOS DE CONFIRMAR A ACTUACIÓN DO GRUPO DE MÚSICA TRADICIONAL OU CORAL UNHA VEZ CELEBRADA A FESTA**

Nome e apelidos da persoa que presenta a solicitude (Presidente/a da entidade)	
NIF	

Actuando en representación de (datos da entidade solicitante):

Nome da Entidade	
CIF	

**DECLARO QUE:**

O Grupo de música tradicional / Coral \_\_\_\_\_  
actuou o día \_\_\_\_ de \_\_\_\_\_ de \_\_\_\_\_ co motivo da celebración da festa desta parroquia.

Ames, \_\_\_\_\_ de \_\_\_\_\_ de 202\_\_

O/a Presidente/a da Entidade

**Información relativa ao tratamento de datos persoais:**

O responsable do tratamento dos datos de carácter persoal que poidan constar no expediente é o Concello de Ames. Os datos serán tratados coa finalidade específica das axudas en especie para asociacións e comisións de festas do Concello de Ames, que se contén nas bases polas que se aproba a correspondente convocatoria, de conformidade coa regulación establecida polo Regulamento (UE) 2016/679 do Parlamento Europeo e do Consello sobre protección de datos de carácter persoal, pola Lei orgánica 3/2018, de 5 de decembro, de protección de datos persoais e garantía dos dereitos dixitais e demais disposicións de aplicación.

Conforme ao artigo 6 do Regulamento 2016/679, a lexitimación do tratamento está baseada nunha obriga legal e no interese público. O prazo de conservación dos datos dependerá do especificado para cada tratamento de datos persoais ou os que legalmente sexan de obrigado cumprimento. Os datos solicitados unicamente serán obxecto de cesión, no seu caso, previo consentimento da persoa interesada ou de acordo co previsto na citada lexislación.

As persoas cuxos datos persoais sexan tratados polo Concello de Ames poderán exercer os dereitos de acceso, rectificación, supresión, oposición, limitación do tratamento e portabilidade, así como a opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do tratamento dos datos (Concello de Ames). Tamén poderán exercer os seus dereitos ante o/a Delegado/a de Protección de Datos do Concello no enderezo electrónico [dppd@concellodeames.gal](mailto:dppd@concellodeames.gal).

E para que conste, para os efectos oportunos, expido a presente co visto e prace do alcalde, en Ames, a 02.05.2024, e coa advertencia de que non foi aprobada aínda a acta da sesión correspondente.

Vº e praxe  
O alcalde  
José Blas García Piñeiro

A secretaria  
Rosa Ana Prada Queipo

C.I.F.: P – 1500200 – I

DATA DE SINATURA: HASH DO CERTIFICADO:  
02/05/2024 94794F58078E16456C0177DD6EC026B3B160625F  
02/05/2024 2552C5906968C16B9FC6B4BE9697BB9BF010C732

POSTO DE TRABALLO:  
Secretaría  
Alcalde

NOME:  
PRADA QUEIPO, ROSA ANA  
GARCIA PIÑEIRO, JOSE BLAS

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC215A409DF53F5ED4AAF

